

西北彙刊

中華民國十五年一月廿二日發行



山洞

五桂頭

五桂頭彈 琴峽至 由北口第 張家屬延 慶縣此路 庸至狹奉 徑參帆 峯錯如 道腸運勢 常山蛇北 過西站桂 行有佛寺 頭石佛一 兩山洞五 長一百五 十尺長十 四尺六寸 三尺此乃 五尺此乃 琴峽一洞 計長一尺 百五寸一 耳志稱水 流石調聲 名者調聲

第二卷第四號

(第十二期)

影片 五桂頭山洞

評論 促進蒙古教育芻議

譯著 林業經理須知(續)

計劃 包寧汽車道沿路種樹

設計

政聞錄 張之江特任西北邊防

督辦往來電一束

譯省長敬告商人與語

誠監犯詞

大事記 國內大事記 國外大事記

雜俎 詩，格言，詞，歌，雜錄，

叢談 西北風俗談

中國北方人類學述(續)

祝詞

武山縣楊思和

運輸文化。獨樹先聲。

注重平民。閑邪存誠。

宗旨正大。議論持平。

準今酌古。慘淡經營。

熱心毅力。積極進行。

西北並重。日月合明。

●本刊第二卷第一號

影片

評論

調查

計劃

特載

政聞錄

大事記

雜俎

叢談

新刊萬歲村
民國十四年
民國十五年
民國十五年
後套農墾調查
察哈爾區十五
年度推廣林業
計畫
北大事表
國民軍與人民
新辦戎馬場
督辦戎馬場
林關心圍場
國內大事記
國外大事記
詩，格言，詞
歌，雜錄
西北風俗談
中國北方人類
學述(續)

●本刊第二卷第二號

影片

調查

計劃

講演

特載

政聞錄

大事記

雜俎

叢談

南海子
質店公營之商
推與西北勞動
者救濟問題
後遠實業廳農
林試驗場之概
況
察哈爾區十五
年度植樹節提
倡林業計劃
豫民移墾合作
社計劃書(續)
冀實業廳長講
演詞(續)
西北縣務籌辦
會民國十四年
大事表
馮將軍辭職出
洋求學
天津戰事結束
後國民軍之移
駐
國內大事記
國外大事記
詩，格言，詞
歌，雜錄
西北風俗談
中國北方人類
學述(續)

●本刊第二卷第三號

影片

評論

譯著

計劃

特載

政聞錄

大事記

雜俎

叢談

居庸關
馮督辦下野與
國民覺悟
林業經理須知
豫民移墾合作
社計劃書(續)
村範須知
馮將軍離張前
對外發表之宣
言馮將軍下野
後所部將領表
明態度之通電
張之江對於軍
紀之嚴厲
西北當局誥誠
僚屬之訓令
國內大事記
國外大事記
詩，格言，詞
歌，雜錄
西北風俗談
中國北方人類
學述(續)

評論

●促進蒙古教育芻議

宮廷璋

蒙古僻處荒陬。氣候寒冷。交通四塞。言語罕通。故其民剽悍有餘。知識不足。自喇嘛教乘虛而入。操縱愚民心理。而使之迷信日深。於是蒙古復萎靡不振。而中國乃以多邊圉之憂。此今日治蒙疆者所以亟亟推廣教育以啓牖民智也。然教育將順其情而寬縱之耶。抑矯其情而變化之耶。將從其俗而利用之耶。抑逆其俗而改良之耶。順其情而寬縱之。則兄弟鬩牆。常人且不免。而況所謂天之驕子。能不因情意隔闕而有誤會乎。從其俗而利用之。則前清羈縻蒙古王公。推崇喇嘛教義。其毒已爲國人所共識矣。尙可蹈其覆轍乎。

五族共和。貴舉其實。各宜截長補短以同化。并宜平等一律以齊心。五族如缺其一。則民國爲不全。政教如有參差。則共和爲不固。舉世咸知五族爲中華民國而不能辨其爲何族。則五族各宜自認爲中華民國而忘其爲何族。政治所安撫者。中華民國也。非一族人也。教育所造就者。中華民國也。亦非一族人也。西北當局及蒙古青年。今方盛倡廢除蒙古王公制度。以求全

國政治劃一。則蒙古教育不宜徒以造就蒙古人爲目的。明矣。教育標準既全國相同。則蒙人縱有時舍己從衆。逆情矯俗。亦不得不爲之矣。蒙人當採法漢人者多。漢人當採法蒙人者亦不少。（五族應互相同化處擬另文論之）蒙人不能背全國之趨勢。亦猶漢人不能逆世界之潮流。截長補短未爲辱。平等一律始爲公。蒙古教育能外此例乎。

雖然。教育之理想雖同。而教育之實施則不妨各異。斟酌地方情形以定教育之方案。固爲事之所許。變更地方情形以達整齊之效果。尤爲義之所宜。今欲躋蒙古教育於全國教育公共之地位。則不能不如此。請申言之。

教育行政機關。各省以教育廳爲領袖。其下有各縣教育局或勸學所。又其下有各區學務委員會。彼等平日均能獨立推行教育。不必嚴厲督責而後可收如臂使指之效。故處其上者。間遣省視學或縣視學巡視各學校。略盡指導稽考之責而已。蒙古則不然。各盟旗未設縣治者多。則職司教育者少。一切計劃事業。純由教育廳自行負責。其王公總管參領等人。大都不明教育爲何物。縱訂各旗羣總管參領辦學考成條例。然不常督責之。則其效恐將爲零。故吾以爲各省教育行政。採分權制。交人民自辦之。可也。今日蒙古則宜採集權制。由官廳舉辦。待學

校發達以後。漸移交人民辦之。庶蒙古教育可以早觀厥成。如是則各省所委託各縣教育局者。蒙古悉歸教育廳處理。而教育廳職員自必較各省爲多。職員多則教育廳經費必增矣。然爲促進蒙古教育計。又豈得已而不已乎。

次則教育經費蒙古亦與各省殊。各省子弟求入學校而不得。故學校縱徵學費。不患無學生。蒙古則其情形與先緒初興學校時相同。非特別優待。不足以招徠之。今日各旗區立國民學校。除伙食衣服外。書籍紙張筆墨均由公給。高等小學燃料亦由公給。宿費學費概予蠲免。某校章程且載每期考試及格。由該旗給兵餉一分。各旗遇有牧丁護軍校出。儘先以學生補用。其勸學之心可謂苦矣。然與其誘之以名位爵祿而近於濫。則不如擇優等生數人。在校津貼膳費。畢業則資助升學使。知求學非以干祿獵官也。然如此則需費必已不少。將何以供給耶。吾觀去年綏遠教育行政會議錄。或則提議於田房稅契附加學捐。或則提議各縣官歲租加一成。或則提議開墾荒地起租時酌加附捐。或則提議駝捐附加學捐。且察區各縣應解四釐另租項下開支之案。早已咨部批准。而學田董事會亦已成立。則教育經費之不難籌措。可想而知。至劃官荒爲學田。尤爲各省所不能及。倘多置學田而經營得法。則教育經費獨立。自無

問題。豈尙憂短絀耶。

再次師資問題亦有與各省異者。各省大抵有師範學校數所。各縣亦多設之。而察哈爾綏遠各僅有一男子師範學校。每校不過一二百人。女子師範學校去年始成立。學生更少。本地教師不足於用。故去歲張家口包頭鎮增設平民學校。臨時在北京招取教員。而蒙人尙未能普及化兩焉。且今日師範生除察區師範學校有蒙古班外。不通蒙語者甚多。故各區立國民學校章程。明言各旗總管於其所屬官員內。選一熟悉漢語略諳漢文者。爲管理員。兼任繙譯。然則能直接教蒙人子弟者甚少。又何怪蒙人受教育者之少耶。處今日西北。與其學英文。不如學俄文。尤不如學蒙文。而師範生尤爲甚。以其服務蒙疆。與蒙人交接機會多也。其他外國語。學之何用哉。雖然。今日師範生縱皆通蒙語。而仍有供不應求之時。則宜添辦二部師範或簡易師範。於最短期間養成多數師資。不足。再招外省師範生。可也。然蒙古師資。究莫若於蒙人中求之。而蒙人中堪以造就師資者。莫如喇嘛。喇嘛不事生產而專唸經。在今日蒙人中。幾如印度古代之僧侶。歐洲中古之牧師。隱操文化之樞紐。倘設法勸導。招徠講習近代科學。俾能施教。如今日耶教之教會學校然。則佛教真理既可闡揚。喇嘛自身又免坐食之譏。而蒙人教

育亦爲之普及矣。一舉而三善備。天下事有勝於此者哉。造師資既歸教育廳負其責。用人權亦可暫由教育廳操之。吾觀綏遠教育行政會議錄中。有人提議檢定教員資格。去歲平民學校教員由考試取之。卽無異實行檢定者也。吾又觀區立八旗小學校章程云。校長教員管理員一經供職。不得無故請退。如有必須辭職情事。須於三個月前呈報教育廳核辦。倘在一校能繼續任職三年以上而成績昭著者。得由教育廳呈請從優議獎。此正吾所謂官辦學校也。如是廣爲推行。則其効必不可限量矣。

推廣教育。宜從小學始。然欲救濟年長失學者。則平民補習學校亦不可不兼籌之。各省小學大率六年爲期。初級四年。高級兩年。蒙古如求速效。則縮短期限。倣日本三年簡易小學辦法亦可。平民補習學校更可減至一年或數月也。各省小學校照章僅能收六歲至十二歲之兒童。蒙古興學既遲。則變通辦理。十八歲以下之兒童宜可以收。察哈爾區立八旗國民學校明言十五歲以下爲合格者。職是故也。十八歲以上失學者。則惟有送入平民補習學校耳。又查各省小學採多級編制者尙多。而察區國民學校章程。學額至少在二十名以上。逾五十名時再行分級。則學生不易招集。可以窺見。夫如此則編制以單級爲宜。而單級教學法乃當特別

研究矣。各省學校例有寒假暑假。蒙古各校。不放暑假。而寒假則有九十日之長。自二月初至十月杪。皆爲受業期間。惟高等小學每兩月放假四日。國民學校每月放假兩日。星期皆不放假。此法固適於地方情形者也。至於校址。今日多借用總管衙門及各大寺院。其事誠便。惟蒙人多以氈幕爲廬舍。逐水草而遷徙。則通學辦法不行。學校不可不爲學生籌備宿舍。此皆學校行政所宜注意者也。

既有學校。請言課程。學校標準既全國一致。則學校科目自當全國一律。而蒙古不能獨異。所可討論者。教科書用漢文抑用蒙文是也。世界各國皆有國語。國語統一然後文化灌輸便利。國民情意融洽。國家實力鞏固。今日中國用漢文者。占百分之九十以上。則漢文自可稱爲國語。而爲全國人所當通行。今日國中。方倡語言統一。則文字不當分歧。可知。況漢文有數千年之歷史。所儲學識。橫絕古今。通漢文。則世界各種學術無不可通。豈不愈於學晚出而無內容之蒙文乎。夫民國所望於讀書種子者。健全之國民也。非有界限之任何種族也。五族應互相截長補短。以融成一片。吾前已痛言之矣。蒙民何至以舍己從人爲病乎。今日蒙民識蒙文者。既尠。單教漢文。則國語統一。甚易成功。若漢文與蒙文同時並學。則非兒童腦力所能勝任。故

蒙人教科書。最初即宜全用漢文。惟未可即用今日流行之漢文課本耳。中國小學教科書。率由上海書賈經營專利。而職司教育者。反袖手橐筆。賢士早不滿意焉。况蒙古地理民風。迥異南方。欲以課本之用於城市。用於農國。用於溫帶。用於宗教觀念淡薄之人民。用於物質生活甚高而風俗淫靡之社會者。轉而用於沙漠寒冷遊牧之荒野。用於宗教迷信甚深之人民。用於物質生活甚低而風俗簡陋之社會。吾敢斷言其格格不入矣。教材必適合地方環境而後可適合兒童心理。此學教育者所共知也。蒙古學校科目雖大致與內地無殊。而教材則不宜強同。豈容疑哉。西北各教育廳聯合聘請有學識有經驗而熟悉蒙情者。另編一種課本。頒行各校。上策也。不然。則選上海各書局之善本。刪改而後印行之。亦事半而功倍。又不然。則用各書局舊本。惟另編補充材料以資救濟。中策也。若明令各校教師於各種舊本自由選讀。則下策也。並此而不爲。則教師照本而宣歌。與腐儒教人背誦經典無異。尙得與言教育原理哉。客歲盟旗聯歡會中。察區教育廳提議組織講演所。籌設小學校。派送本口留學。（云擬辦五族職業學校）輸入文明利器。（如電影幻燈照像器留聲機印刷器等）並繙譯報紙。此五者。社會教育居其三。學校教育居其二。皆啓民智之要務而可以實行者。吾今所言。限於學校

教育。而於小學教育爲尤重。則以其爲普及教育之基本也。果如鄙言。蒙古教育以造就中華國民爲目的。而不以造就蒙古人爲目的。則教育方案。千變而不離其宗。在他處。教育應與政治分離。在今日蒙古則教育方賴政治以推行之。在他處僧侶教會不應干與教育。在今日蒙古則宜化喇嘛爲教師。改寺院爲學校。值此時多闕官荒以爲學田。則學款獨立。更易如反掌。變通學制。編撰教材。準備師資。監督學校。躋蒙古教育於全國教育公共之地位。既不任其憂獨造。又不復因循敷衍。縱其初矯情易俗。難免阻力。而其後齊心同化。五族如一。此非吾所望於今日之西北教育當局者乎。

(完)

譯 著

林業經理須知

(續)

覺生譯

實行之部

第一章 豫業

經營森林。必先定適切於各處之施業法。故必有種種調查。卽須明瞭森林全部或各林分之

面積、位置、及性狀。研究其森林施業上一般之關係。以規定其與此相應之完全作業法并施業法也。此等調查。謂之豫業（或曰前業）可分爲森林測量、森林調查、及其他影響於施業的一般情事之調查。皆須於說明書中一一記載者也。

森林測量者。以定全森林及各林分之面積位置者也。而森林調查。則查定其施業及收穫豫定所必要的一切林分關係者也。森林區劃。爲經理的主要部分。且當吾人之計劃實施。必先行森林區劃。故森林區劃。實經理豫業之最先者也。

第一節 森林區劃

第一款 森林區劃之一般原則

在有規律的土地生產業。不論林業農業。其總面積。恒不能不分割之。以爲施業單位（林班）。使之適合其經營狀態。而在林業。據一定原則。尤有極須分割之必要。以其面積廣大。或林分之配置不規則。則於防止天然危害。甚不便利故也。又林業如其爲集約的。則面積有更須細密分割之必要。試將林業上正當的區劃原則。並其利益。舉之如次。

（一）森林區劃。必使各部分及林分之位置。關係明瞭。

(二) 據森林區劃。可正規的執行採伐。且可作一定之順序。即作比較小的作業面積。使得行最適合於其面積、形狀、及配置的採伐也。

(三) 因林相之差別、隔絕而區劃者。不僅對於風害得爲安全的伐木。且使森林火災以及蟲害。易於防制也。

(四) 區劃網適當設置。則木材輸送容易。能促進其利用。此外於森林之保護及巡查上。亦不少便利。

(五) 據此以定其採伐區所。或測其面積。及其他林業上之便利。亦難悉數。大面積的森林。分割爲施業區域。并保護區域時。專受森林管理之目的。并其擔當區域之原則所支配。應於森林管理學研究之。茲不多贅。

在森林經理。則此等大體區劃。視爲已確定者。唯於作業級、採伐列區、林班等之區劃。有必要時。乃修正變更之。而施業區域。爲森林經理上重大的區劃。普通爲森林經理之單位。有必須以全森林或其一部爲一團。而爲特種之施業者。則謂之事業區。此事業區。亦時有包含全區域者。又面積廣大時。有更分割爲亞事業區者。

在不甚大之私有林。則普通以全所有地爲一事業區。或在必要時。視其土地之狀態。分爲多數之亞事業區。

在大森林。例如國有林及大地主之森林。則普通以施業區域爲事業區。然多數之事業區。有同一之經理關係。於保續作業之下。同有一定之收穫目的者。則綜合之。而爲施業區域。如此之各事業區。爲有前記意義之亞事業區性質。關乎此須各別製作其施業案及地圖。且確定其年伐額者也。施業區域包有多數之事業區者。在德奧之森林經理上。前例極少。惟限於多數所有者之森林。以爲一團而施業。或屬同一所有者之各部分。或所有權之關係。或施業上有根本的差異者。有此狀況而已。而森林經理上。以施業區域爲多數之亞事業區。雖於大私有林所恒見。然其境界。不必令其與管理區或保護區之境界一致。蓋保護區之作成。與施業區劃。全然異其原則也。保護區域。往往有因一時的關係而變者。然事業區則永久者也。如上述意義之亞事業區。不可與施業區域混同。且亦不可不與後述之作業級區別者也。蓋作業級非因地勢關係上之連續。而爲森林區域。不過因作業種。輪伐期等而合併之施業上分類也。

亞事業區者。爲廣大的事業區。因地勢其他之分界而形成天然之一區劃者。雖幾成爲同一之施業。然非必須嚴正保續作業也。但經理上一切事項。當綜合規定的森林之一部耳。

例如高山之大森林所有地。由其重要之谿谷或側谷而區劃之部分。爲亞事業區。而此等亞事業區。各各由數作業級而成。

對於事業區。祇須造成一般之記載及一般施業基案。至於詳細之經理。如斫伐、造林案等。則必按每個亞事業區編成之。故森林測量、及森林調查（森林面積等、地位、並齡級表）之結果。或施業要旨。必就亞事業區並作業級詳明之。小面積之森林。或大施業區域。爲一團而形。成事業區域者。則無設亞事業區之必要。又因森林經理上之要求。雖宜區劃其森林。而設作業級。採伐列區。及林班等。然亦往往有省略採伐列區而不設者。

第二款 作業級

事業區內。所以設作業級之理由。以範圍廣大之森林。其作業種及輪伐期。各不相同。又收穫之目的亦異。故其施業。欲用同一斫伐案及收穫豫定。勢有不能。於是撰擇其中可用同一施業法并處理法之森林面積。作爲一類。使之一目瞭然。此其所以設作業級也。而凡以法正狀

態之作成爲目的。欲營嚴正、保續作業者，則尤不能不將同作業種及輪伐期同一者。綜合之而爲一作業級。故作業級云者，謂一事業區中，其作業種、輪伐期及施業、收穫目的同一之森林部分也。

凡作作業級，必考究其作業種、施業，並收穫之目的。故先就各部分，明其作業種、輪伐期，及其他施業上之條件。凡有同一作業種（例如矮林、中林、皆伐林、前更作業林及擇伐林等）者，用同一輪伐期者，及有特別收穫目的（部分林之分收、一定販路對於工場之年期賣下材等）者，又或施業上有特種之制限（保安林）者，其他所有者有特種之目的（庭園林、野獸園林等）者，必以之爲標準。

作業級非必以團在一處之森林爲條件。即互相隔離之森林（例如以爲擇伐林而散在山頂之施業制限地）亦可合作一作業級者也。

又凡小施業區域或亞事業區，如有完全相同的林相，並施業上之關係，則以之爲一作業級，亦無不可。而大施業區域，若希望其分割爲多數小獨立施業面積，以之爲亞事業區，使與作業級一致，亦無妨也。

各作業級之嚴正保續作業。以特種的收穫目的（負擔林役權之森林）爲必要者。一般之原則。以其事業區內作業級之總計有保續作業爲充分。然無須大犧牲時。則各作業級。一一作成法正狀態。自屬可喜之事。蓋由此不僅總體可確實作成最適當的法正狀態。且據各作業級而取同量之收穫。其處分亦極便宜也。

學者之中。於作業級。有重視保續作業之必要。及法正狀態者。例如威巴氏所下作業級之定義曰。作業級者。謂足行保續作業。而後來以同一之作業種及輪伐期而施業之森林也。古拉那氏。則爲謂作業級者。謂因作成法正狀態之施業上單位面積也。而因共進之施業而合同之林分。有獨立的齡級排置。有獨立的採伐額者也。尤太熙氏及海爾氏之言曰。作業級者。謂有屬於同一採伐順序的一定齡級順序之森林也。此等定義。雖與皆伐作業之作業級相當。然何故合併有同一作業種及輪伐期者。又何故令在一定之施業及收穫目的之下所經營之森林爲一團乎。皆未有所開發。卽其作業級設定之根本理由。尙未十分發明也。（未完）

計 劃

●包寧汽車道沿路種樹設計

緒言 包寧汽車道。橫亘後套。計長一千二百十里。次第築成。吾督辦 都統規劃於沿路兩旁種樹八行。每株距離一丈。共須種樹一百七十四萬二千四百株。亦一偉大之工程也。似應亟須籌辦。并派專員沿途觀察計劃。且與地方官員接洽準備。庶免臨時無所措手。茲就管見所及。擬具進程序。謹陳

鑒核

(一)樹秧之選擇 綏區平地。最普通樹木。爲白楊榆樹柳樹三種。榆樹不適用於插條造林。故現包寧路兩旁所種樹木。擬用白楊及柳樹二種。種時白楊與柳樹。視插條之多寡。分段種植。不宜混雜。所取楊柳條。長宜在七八尺左右。對徑二寸左右。以青皮嫩條爲宜。

(二)樹秧之來源 綏區歸薩包諸縣。楊柳樹木尙多。惟五原西路極少。種樹已在包寧道上。先宜就地取材。例如包頭西之亂水泉子。麻池。及烏拉山等處。均有楊樹柳樹。應調查採購。

(三)樹秧之運輸及浸埋 楊條割取後。立時插種最佳。如遠道運輸。途中切不可受風吹日

晒。運到栽種地點。即須埋入土中。或浸入水塘中。當木葉黃落以後。即可往沿途有樹木之處。採購楊條或柳條。分運至種樹地點。埋入土中。每隔一里中。約埋一千五百株。

(一)地段之分配 包寧道上。人煙稀少。有數十里不見人煙者。一切飲食住處。頗爲困難。查現在軍隊運輸。由包頭至寧夏。共分二十站。每站距離四十里至九十里不等。現亦可根據兵站地點。分全路爲二十段。如中間距離太長者。須擇有適當房屋處所。加設分段。

(一)種樹開井及澆水人工之約計 一里一百八十丈。每一丈距離。種樹八行。每里須種樹一千四百四十株。一千二百十里間。共種樹一百七十四萬二千四百株。每天每人種二十株。須八萬七千一百二十工。如每天有工三千人。則種二十九天可畢。沿途無渠道之處。每隔一里。至少須開土井一口。以便澆水。全路開井。以一千口計。如每口用三十工開掘。共須三萬工。澆水每天每工約能澆六十株。每七天輪澆一次。全路每天約須澆水四千一百四十八人。自開凍起。連澆三月。樹木方易生活。此項工人。用軍隊抑用民工。亟須早日籌畫決定。

(一)種樹工人之組織 此項大規模之種樹。無論用軍工或民工。均須有細密之組織。嚴律

之統率。庶不致紊亂。譬如用軍隊種樹。每一段距離。設爲五十里。須種樹七萬二千株。以每排爲一隊。每排以四十二人計。其中以二人爲督工。四人爲火伕。三十六人爲栽工。每樹種三尺深。出地五六尺。并澆水蓋土。每天每工種二十株。則每段五十里如用二排人種。則一個月可畢。卽全路共須軍工四十八排。其他樹苗之運輸。土井之開掘。澆水之輪流。均不在內。仍當有一定之組織。

(一) 器具設備 栽樹用具。如鋤或洋鎬。澆水用具。每人用水桶或火油箱二個。及槓子繩索等附屬品。井上須水桶等件。其他運輸方面。每隊須借大車數輛。并須攜帶炊具。

(二) 栽樹時期 最好在秋天樹木落葉後。及春天樹木發芽前。地不冰凍時種植。大致秋天以陰歷九月。春天以陰歷四月爲宜。如先開洞後種樹。尤爲妥貼。

(三) 栽工之訓練 如用軍隊種樹。則卽須挑選排長及庶務長等四五十人。教授選苗、運輸、埋秧、開穴、種樹、澆水、保護等普通常識。及妥善方法。并實地練習。

(四) 經費預計 路線既長。種樹又多。用費亦大。茲約計各項費用如下。

樹 苗 一七四二、四〇〇 每株五分 共 八七二二〇 備 註

運苗			五〇〇〇	
大油箱	八二九六	只	二四八八	元
扁担繩		每人三角	一二四四	元
井用附屬品		每井三元	三〇〇〇	元
栽工	八七一二〇	每工三角	二六一三六	元
井工	三〇〇〇〇	每工三角	九〇〇〇	元
澆工	三七二九六〇	每工三角	一一一八八八	元
雜費		每段二百元	四〇〇〇	元

共計二十四萬九千八百七十七元二角

如全用軍隊植樹。至開井澆水。亦用軍隊。則省去栽工井工澆工等。亦須用費十萬零二千八百五十三元二角。此項款項須預為籌措。

(一)組織及關係人員之責任 此事體大。用工用款浩繁。須請督辦 都統委派專員。籌備其事。其他於此事最有關係者。為各地官長。及森林技師。茲

將二方面之責任。分開如下。

(甲)沿途知縣局長警佐之責任

(一)籌備沿途工人之宿食

(二)預備一切種樹器具及應用品

(三)招雇工人及大車

(四)襄助運輸樹苗至種植地點

(五)其他一切地方可担任之事項

(乙)森林技師之責任

(一)調查購買樹秧

(二)監督運輸樹苗至種植地點埋入土中

(三)訓練栽工

(四)督察種樹

如用軍隊種樹。則全部植樹軍隊。按照預定計劃。會商森林技師。指揮軍隊進行。

(一)保護 種樹不難。而難於保護。大道兩旁。保護尤難。因行旅之來往。牲口之馳驅。每易損傷幼樹。且以貧人之偷竊。長途尤難防維。往者見南京東城至湯山八十里。上海至劉河七十里間。汽車道上。均種植行道樹。不一年而存者不及半數。二年以後。存者不及三分之一。今包寧汽車道。更長十餘倍。保護益覺困難。故沿途每隔十里。應設森林警察一人。以資巡查保護。惟保護亦須籌有維持的款。

(二)結論 凡舉辦一事。必須有充分之準備。則臨事可進行無阻。今秋種時期已屆。下列各項。似當亟須注意。

一 決定用軍工抑民工

二 派專員主持籌備。並赴沿途實地調查。分段計劃。

三 籌備經費

四 採購苗秧。及預備一切應用器具。

五 訓練栽工

以上所述。係推想所及。實地派員測勘後。方可有切實精密之計劃。此事舉辦倉卒。苗秧

最感缺乏。爲常久計劃。似應於京綏包寧道上。擇適當地點。仿京漢津浦路辦法。設立苗圃。培養苗木。陸續推廣。以維久遠。

政聞錄

◎張之江特任西北邊防督辦往來電一束

一、執政命令 特任張之江爲西北邊防督辦仍兼察哈爾都統此令。

二、致執政懇辭西北邊防督辦電（1）北京執政鑒頃奉明令特任張之江爲西北邊防督辦。仍兼察哈爾都統此令。奉此。之江猥以庸愚。謬承殊遇。戴高履厚。益增感恩圖報之思。前因馮督辦倉卒離張。當以負責無人。暫令之江勉維現狀。若使長此兼領。輕才重任。彌覺難勝。惟有仰懇我執政。俯查下情。另簡賢能接替。俾得專任察哈爾都統。以報鈞座特達之知。臨電無任翹趾待命之至。察哈爾都統張之江叩。眞印。（2）（上略）鈞電奉悉。甚爲欽佩。惟之江才庸。難勝重任。仍懇卸仔肩。遂我初服。是爲至禱。張之江叩銑。

三、國務院奉諭挽留電（1）張督辦鑒真電悉。時局艱危。邊防重要。端賴長才共濟。仍望遵前令。勿再固辭。奉諭特達。國務院文。

四、各方賀電 張之江特任西北邊防督辦後。各方賀電紛來。茲覓數十通特誌於左。

▲孫慕韓賀電 張督辦勳鑒。閱報欣悉榮膺西北邊防督辦。作西門之鎖鑰。法充國之屯邊。俾展長才。允孚舊望。專此馳賀。孫寶琦印。▲陳二厂賀電 張督辦之江我兄勳鑒。煥帥功成。不居海內共仰。中央注重西北。特簡我兄兼籌邊防。就熟駕輕。高瞻遠矚。鴻猷益展。雀躍彌殷。專電敬賀。並頌勳綏。弟陳宦真印。▲李錦堂賀電 張督辦勳鑒。支電奉悉。煥帥賢勞。急流勇退。正擬挽留。藉申維繫。乃神龍出沒。鴻鵠高翔。並以西北全局付託我公。懷時局之艱危。語駕輕而就熟。提絜有人。同舟共濟。溯自去歲首倡和平。曾未旋踵。又啓兵端。東南發難。西北當衝。正義犧牲。幸告小捷。然敵氛尙惡。來日方長。減少仇讎。增進友誼。煥帥未竟之志。企望專屬我公。瞻仰新猷。謹申賀悃。李錦堂印。▲田毅民賀電 張督辦子岷兄鑒。別來滄桑百變。音書梗。疏。舊雨縈懷。彌增悵惘。煥帥蕭然高蹈。幸我公不承宏烈。砥柱中流。偉績高吟。環球企仰。必能鞏固邦家。領袖羣流。臨風翹祝。燕賀特申。弟田維勤叩。▲許總理賀電 張督辦勳鑒。新命榮

膺。先聲遠播。籌邊碩輔。國家倚捍衛之功。屯朔將軍。陞徽慰綏輯之望。遠依翹首。躍地歡心。敬賀。許世英文。▲屈文六賀電 張督辦勛鑒。讀邸報。欣悉榮膺簡命。保障邊陲。繼方召之壯猷。喜蕭曹之并善。謹申燕賀。祇叩鴻釐。屈映光文叩。▲馬會辦福祥賀 張督辦子岷兄勛鑒。恭讀明令。特任我公爲西北邊防督辦。仍兼察哈爾都統。懋賞勳庸。長才衛國。忝同袍澤。忭賀至深。馬福祥文印。▲王揖唐賀電 張督辦之江兄鑒。軍符久重。邊符懋膺。望重德圻。歡臚袍澤。欣抒賀悃。並祝新猷。王揖唐文印。▲中華道路協會王儒堂徐季龍諸君賀電 張督辦勛鑒。欣聞特簡西北邊防督辦。艱鉅勉膺。時局成共和之再造。規隨有定。勳猷以國防而愈宏。定亂安危。(中略)將電馳賀。並頌大捷。中華全國道路建設協進會會長王正廷副會長徐謙許硯總幹事吳山叩文印。▲陝西劉定五省長賀電 新任西北邊防督辦張子岷兄勛鑒。頃接京電。忻悉中樞倚重。督辦邊防。控西北廣漠之區。展邊塞經營之略。藉壯猷於方叔。借前箸於留侯。重望高勳。馳賀無極。弟劉治洲叩文印。▲岳西峯督辦賀電 張督辦子岷如兄勛鑒。奉讀支日通電。敬悉煥帥高蹈。吾兄繼職。(中略)蕭規曹隨。袍澤共慶。特復並賀。惟希荃察。如弟岳維峻文印。▲新聞大學張督辦秋白賀電 張督辦勛鑒。頃讀明令。煥帥高蹈去位。

我公繼承大任。(中略)昨謁檐帷。幸承明教。叨依仁宇。諸待扶持。謹此電賀。伏維勛鑒。張秋白叩文印。▲唐潤甫師長賀電 督辦張鈞鑒。遠隔鴻儀。末由趨叩。欣聞鵲報。距躍三千。恭維權領軍樞。榮膺特命。想見軍威霜肅。十屯靜刁斗之聲。智府波澄。四野息烽煙之警。丰徽在望。額頌傾忱。謹電肅陳。恭賀鴻禧。師長唐之道叩文。▲甘肅薛子良省長賀電 張督辦鈞鑒。頃聞特命。綜領邊圻。固西北之屏藩。作邦畿之磐石。繼督座之志願。揚我軍之光榮。篤弼素欽。鴻猷猥管。省篆。幸稟承之有自。仰止高山。宏濟于艱難。願盡棉力。肅此敬陳。賀悃。並頌勛綏。薛篤弼叩元。▲鹿警衛總司令賀電 督辦張鈞鑒。昨讀明令。欣悉榮膺真除。肅規曹隨。登邊民於衽席之上。文經武緯。奠國防於磐石之安。從此繼西平之勛。益見崇北門之望。遙企鴻猷。特申燕賀。弟鹿鍾麟叩元。▲劉都統蘭江蔣參謀長靜安賀電 張督辦鈞鑒。奉讀真電。祇悉一是。勉勵慤慤。謹銘五中。政府任命電令。此間頃已奉到。我督辦名高頗牧。望重鄂褒。羅范公學。萬里之才。抱孫子十三篇之略。前日移師津海。義舉遍播神州。此時坐鎮西北。新猷純宗大樹。芬等才慙疎庸。難勝重任。今幸至近。承教有由。肅此奉復。特申賀忱。企望雲霓。恭頌勛祺。劉郁芬蔣鴻遇叩元。▲門靖原師長賀電 西北邊防督辦張鈞鑒。恭讀執政真日明令。敬諭寵命。

自天新猷丕煥。三邊籥馬。萬里歡騰。仰見國慶安瀾。民賡康樂。胥惟我公是賴。延頌崇勳。彌深燕賀。師長門致中叩元。▲修凌閣師長賀電 督辦張鈞鑒。昨讀鵲報。不勝騰歡。以我憲之碩德高風。神韜大略。膺疆圻之重寄。秉軍旅之虎符。（中略）羈身戎馬。不克趨謁。謹此電陳。伏乞鈞鑒。師長修凌閣叩文。▲楊海軍總司令賀電 新任西北邊防督辦張督辦勛鑒。欣聞特命。榮縮疆符。建趙充國之邊功。假王茂宏之使節。引瞻偉績。曷慶賀忱。楊樹莊叩文。▲孫馨遠總司令賀電 張督辦鑒。榮膺新命。兼縮雙符。北門鎖鑰。屹屏海於漢家。西塞旌旗。溥陽春於朔漠。逖聽殊勳。曷勝軒轅。特賀。孫傳芳寒。▲丁漢民旅長賀電 督辦張均鑒。旅長募兵豫東。道途遙遠。消息不靈。頃閱報載。馮公下野。我憲繼任。伏思我憲資望素著。羣僚景仰。福國利民。共慶得人。謹此電賀。旅長丁漢民叩寒。▲劉玉山旅長賀電 張督辦鈞鑒。喜報傳來。欣敬鈞座榮膺特命。總縮全權。旋乾轉坤。欣偉略之克展。宣猷布化。慶國家之得人。遙瞻鴻儀。謹申燕賀。旅長劉玉山叩刪。▲趙炎午省長賀電 張督辦勛鑒。榮領兼圻。建威邊塞。式展淵宏之抱。益抒康濟之謨。偉歡不宣。國防彌固。謹布謝悃。敬頌任禧。趙恒惕叩寒。▲黃雲賀電 張督辦之江兄勛鑒。頃聞榮膺疆寄。歡忭殊深。當此萬方多難。旋幹需賢。我公才兼文武。出任艱鉅。從

此俱途山河。繼漢唐之武略。步戰熟之雄圖。轉弱爲強之機。當爲我公是賴。掬忱申賀。無任欽馳。黃雲叩刪。▲綏遠都署各廳道賀電 張督辦勳鑒。特命榮頌。繼任西北邊防督辦。駕輕就熟。咸欣裘帶雍容。遠服邇安。共慶聲華著茂。肅此電賀。恭頌勳安。李興中郭景屏鄧長耀惠俊卿吉鴻昌韓安李泰芬章炳昱施積樞劉國楨俞嘉培楊麟鈞許游嚴惟全趙沂至王錦堂郭景隆叩咸。▲劉汝明旅長賀電 西北督辦公署督辦張鈞鑒。謹讀明令。我憲榮應寵命。萬里雲霓。歡深雀躍。令望咸孚。啓西北之利源。用策富強。固邊塞之鎖鑰。久欽威望。並託幟幟。遙瞻鈴轅。遽然起舞。謹電申賀。伏維垂察。劉汝明叩刪。▲陝西李雲龍督辦賀電 西北邊防督辦張子岷兄鈞鑒。頃閱京電。欣悉我兄榮膺簡命。屏翰邊陲。中略新猷。茂績欽佩。無量。特賀任喜。並頌勳安。李雲龍叩刪。▲陳玉甲賀電 張督帥鈞鑒。頃閱京電。欣念我帥真除督辦。權領兼區。經略西北。軍民慶幸。特電馳賀。恭頌榮祺。陳玉甲叩銑。▲孔繁錦賀電 張督辦鈞鑒。佳電逖聽。特命榮膺。國慶得人。民歌康樂。樹奇功於邊圉。欽式鴻猷。仰保障乎西陲。用申燕賀。專肅馳賀。並頌榮釐。孔繁錦叩刪。▲甘州馬鎮守使賀電 西北邊防督辦張督辦鈞鑒。遠隔旌麾。夙欽偉略。新傳捷報。逖聽鶯遷。成百戰之勛名。作三邊之保障。幸便樾蔭。曷罄葵忱。肅賀鴻

禧。敬請鈞安。甘州鎮守使馬麟叩銑。▲河南林交涉員賀電。張督辦勛鑒。邊政榮綜。班傅媲美。聲威所播。疆圉永綏。引領塞雲。軒轅曷極。河南交涉員兼任汴洛局局長林實謹叩銑。▲豫東郭鎮守使賀電。張督辦鈞鑒。頃閱京報。欣悉榮膺特命。督辦邊防。屯墾宣猷。大展籌邊之策。文武爲憲。同心廓地之勛。遙瞻鈴轅。曷勝鼓舞。肅電恭賀鴻禧。虔請鈞安。豫東鎮守使郭振才自歸德叩咸。▲陝西幫辦公署雷參謀長姜旅長賀電。西北邊防督辦張督辦勛鑒。頃讀明令欣希。榮晉西北邊防督辦。從此整軍維武。開疆拓土。不惟北門鞏固。國家且免西顧之憂。謹電馳賀。無任欽遲。陝西幫辦公署參謀長雷慶綬。十師步兵二十旅旅長姜宏模全叩咸。▲綏遠總商會賀電。新任西北邊防督辦張鈞鑒。我公繼馮督辦榮膺西北邊防督辦。保衛邊疆。衆商聞命。不勝歡欣鼓舞。敬電奉賀。伏乞垂鑒。綏遠總商會叩刪。

●薛省長敬告商人與誥誡監犯詞

▲不愧爲實行平民政治之省長

(一)敬告商人詞。薛省長篤弼。爲促進甘省商業起見。特召集商界全體。聯集一堂。作多方面之指導。其詞略云。篤弼奉命長甘。深愧勿勝。惟有守我書生本色。本我固有天良。寔行平民政

治。以盡公僕職責。甘省實業未興。交通不便。經營商業。殊多難困。然在省城地面。商賈雲集。人煙輻輳。營業狀況頗好。若再設法改良。力求進步。自不難期發達。今日得與商界諸君萃集一堂。管窺所及。願進數言。(1)注重商業道德。商業道德維何。卽誠實和平。蓋誠實爲商人信用根本。和平乃營業發達先機。(2)提倡商業學識。如講求商學。以造就商業知識人才。(3)革除不良習慣。如吸煙嗜賭。縱酒冶遊。懶惰等。(4)提倡國貨土產。以上四端。皆爲篤弼見到之言。簡單易爲。果能實行。必有大效。不獨諸君營業可發達。卽甘省地方人民亦大受其惠。甚盼在座諸君。從今日起。振刷精神。努力前進。篤弼當拭目待之等語。

(一)誥誡監犯詞 薛省長因各國司法調查團來華。改良監獄。實爲當務之急。特親蒞全省監獄署視察一團。從事積極改良外。又召集全監人犯。施以誥誡。以資感化。其詞略云。篤弼奉令長甘。本我固有天良。實行平民政治。願人人各得其所。方盡厥職。對於一般監犯。尤爲注意。須知國家制定刑法。純係感化主義。意在使民畏法。而不使民犯法。所謂君子懷刑。亦卽此意。假使觸犯刑章。執行期內。監獄或受以普通教育。或受以職業教育。揆其用意。無非使不再犯法。成一好人而已。現在既經犯法。應極力講求爲人之道。何謂爲人之道。約分兩層。(甲)在監

時。(1)要悔改。孔子曰過則勿憚改。甚願各犯罪者互相勸勉。互相警惕。時時追悔。痛改前非。
(2)要勤學。經云。人不學。不如物。甚願一般犯人。或讀書。或寫字。或習各項工藝。將來出獄。庶知入孝出悌。不至犯上作亂。並能自謀生活。(乙)出獄後。(1)要吃苦。吃苦二字。實爲事業成功之要訣。希望一般人。犯出獄後。無論爲農爲工爲商。先要吃苦。切勿忘記。(2)要守法。既經犯法受刑。以後須循規蹈矩。安分守法。(3)要幫助別人。修橋築路。除匪等。總之人非聖賢。孰能無過。放下屠刀。立地成佛。嘗考西晉時有周處者。原來無惡不作。本是壞人。一日與鄉間父老談話。問曰。年豐時和。爲何不樂。父老曰。三害未除。何樂之有。處曰。何爲三害。父老曰。南山白額虎。長橋下蛟。並子爲三矣。處曰。若此吾能除之。乃入山射虎。入水殺蛟。折節讀書。卒爲善士。後死齊萬年之難。爲晉室名臣。一般監犯。果能以周處作爲模範人物。將來報効國家。未可限量。勉之勉之。予日望之。

大事記

國內大事記

嘯岩

一月九日●段執政隱示下野之通電○銜略：祺璠勉執國政。荏苒經年。事願多違。心力交瘁。每願四野之瘡痍。益觸五中之悱惻。際茲時變。善後維艱。前者改修現制。

增置中樞。謀庶政之公開。補闕失於既往。但期利國。寧有成心。所望各建議言。迅定國是。即釋重負。俾踐前言。起衰救敝。多難所以興邦。革故鼎新。成功不必自我。邦人君子。幸共鑒之。祺瑞佳。張作霖與吳佩孚。吳佩孚去歲聲討張作霖電。大罵爲賊。不圖賊未討近且有與攜手之說。前吳氏主張恢復法統之通電。列銜名中有張雨帥。張氏響應之電。則稱吳玉帥。且有願率關外健兒。爲公後盾之語。論者多爲吳氏惜之。

十日。馮玉祥任免與西北疆吏更調重要命令。昨日國務會議決定准馮玉祥免去本兼各職。派馮氏前往歐美各國考察實業事宜。同時並決定西北疆吏更調命令。本日發表如次。西北邊防督辦兼督辦甘肅軍務善後事宜馮玉祥電呈懇辭本兼各職。幾旬澄清。潔身引退。遠識高蹈。爲全國倡。馮玉祥准予免去本兼各職。此令。改革以還。國力彫敝。厚生利用。尊重實業。特派馮玉

祥前往歐美各國考察實業事宜。此令。持任張之江爲西北邊防督辦。仍兼察哈爾都統。此令。特任李鳴鐘督辦甘肅軍務善後事宜。此令。任命劉郁芬爲綏遠都統。此令。孫傳芳向段執政算賬。孫傳芳拍出通電謂。段氏於一年來費國幣一萬三千餘萬元。而一事未辦。各省應否向段算賬。請其明白宣示。並同時有電致段。請自行宣布賬目。以釋羣疑等語。

十一日。陳調元電請政府明白宣布賬目。響應孫傳芳。陳調元直接致電國務院略云。臨時政府一年以來。收入共一萬三千餘萬。糜費國幣。濫借外債。如此之鉅。未明真相。至駭聽聞。孫傳芳電請宣示用途。主張極爲正當。……究竟此項重款用途若何。依法亟應公佈。務請即明白宣示。以釋羣疑等語。

十二日。留日學生相率回國。留日之中國學生對日政府出兵滿洲。據確實調查。日本此次秘密出兵。達六

師之多。到奉即換奉軍裝出陣。侵犯主權。大施攻擊。已陸續準備輟學返國。其先鋒隊數十名。業於本月由日本出發。法權會議開幕。調查法權會議。今日十一時在居仁堂正式舉行開幕式。到會者除我國美、法、意、比、英、日、丹麥、荷蘭、秘魯、挪威、瑞典、西班牙、葡萄牙等國代表外。國務員全體。中外新聞記者。均如期到會。共約二百餘人。王寵惠被推為臨時主席。委員會主席推定美代表史托恩。首由王主席致開會詞。次由馬司法總長致祝詞。日置益代表各國致答詞。十一時三十五分散會。

十三日●滬案分八項交涉○外交部電令五卅案分八項交涉。歸京辦理者五項。一、責任問題。二、懲治問題。三、賠償問題。四、收回會審公廨問題。五、改組公部局問題。歸滬辦理者三項。一、越界築路問題。二、撤銷工部局問題。三、勞工改善問題。○日政府擬增加對華文化侵略事

業經費○日政府擬提出增加對華文化事業費五十萬元之議案於國會。俾共成爲三百萬元云。

十四日●各省區法團代表對時局之通電○旅京各省區各法團代表對時局發出通電。略云。執政以善後維艱。預備下野。各方有主張恢復約法之法統者。有主張恢復憲法之法統者。有主張委員制者。……同人等再三討論。僉以應本主權在民之旨。迅速召集國民會議。解決一切。但從前國民代表會議條例之規定。不洽輿情。……首宜召集各省區議會及法團之領袖。開一預備會議。修改條例。俾國民會議有議決國家大經大法之職權。因以組織爲國爲民之政府等語。●反日示威大運動○北京各學校各團體。昨日在天安門開反日大會。並游行示威。其大會表決議案中。對日宣戰。與日本斷絕經濟關係。澈查政府去年一年之收支情形。反對恢復法統。依照孫中山主張召集國民代表會議。與

組織國民政府等條。

十五日●奉軍野心未死○奉軍現分兩路。一路從綏中逼榆關。一路越沙河出喜峯口。左翼以黑龍江騎兵爲主力。右翼以汲金純軍及陳戡各旅任前綫。猛銳進行。●日本竟反對取消吉敦鐵路合同○關於取消吉敦鐵路合同事。日使館尙未接受何等交涉。然段執政既用命令聲明無效。且已決定查辦前交通總長葉恭綽。則日本方面自不能不採取相當的措置。聞將對中國方面聲明對該項契約不能因一方面任意破棄。卽行解除云。

●國外大事記

一月九日●蘇聯批准土俄同盟條約○蘇聯中央執行委員會幹部。已將去年十二月十七日土俄在巴黎所訂之同盟條約批准。●波蘭經濟恐慌○波蘭各城連次發生失業者示威運動。以致國內經濟狀況。益形恐慌。

人民生活程度亦因之大增。

十日●巴黎水災損失甚重○據法政府派員調查各河水勢之報告云。巴黎因洪水氾濫。所受財產損失。約達五萬萬佛郎云。●意國大地震○意大利佛士克拉省希拿地方發生大地震。巴狄亞民房倒塌一百餘所。人民現均露宿。生命財產大受損失。同時全歐亦發生輕微地震。

十一日●巴黎航空會議○巴黎航空運輸會議之各國專家。於今日開會與協約國大使磋商各國航空問題。德代表亦定是日會議時。提出德政府之要求取消協約國對德建造飛機及航空之限制。●波斯強烈地震○波斯克拉山省發生強烈地震。有兩個村莊完全毀壞。村內居民只逃出十一人。且均受重傷。其餘皆死於土木之下云。

十二日●日政府將有波瀾○日本本屆國會。因政友本黨

爲先鋒之在野黨。將出以強硬之態度。逆料難免發生幾許波瀾。據若槻內相談云。本屆國會。政友本黨對於政府似將出以強硬之態度。……惟政府將本其方針與政策從事奮鬥。若政府案竟遭否決。則爲謀政府之鞏固計。或至解散國會亦未可知云。○秘魯政府人員暴動○秘魯國中三十六個政治機關人員。由達古亞發生大暴動。據波黎菲亞報界宣稱。秘魯總統尼哥利亞。曾允波國謀取一太平洋海口所致云。

十三日○墨西哥將與葡萄牙斷絕國交○墨西哥政府一致照會葡萄牙政府。聲明駐葡萄牙之墨西哥領事署行將關閉。並將葡萄牙駐墨西哥領事驅逐出境。葡政府對此深表詫異。且謂此種之用意。葡國實莫明其妙云。○列寧夫人人口中之蘇聯饑童○列寧夫人最近宣言。力述蘇聯人民生活之困難。目下以莫斯科一城而論。計有八萬貧苦孩童散行街市作乞兒生活。他城亦有

同樣狀況。請當局速謀救濟。以免此項幼年國民死於凍餒。

十四日○俄波討論互障條約○蘇俄與波蘭兩國政府。現正討論成立一俄波互障條約。內容照俄土同盟條約。據政界云。兩方面對於約中之主要條款。業經磋商妥協云。

十五日○蘇俄鄉村教員待遇新例○蘇俄政府發表鄉村教員待遇新例如下。(1)自一九二六年一月一日起。薪水每三年增加百分之十五。(2)居住燃料。由學校供給。(3)每年休假兩個月。(4)醫藥衛生。與體力勞動工人享受同等權利。(5)軍役延緩。如在服務中受政府募集。則須在軍中註冊。但無須入伍。(6)兒女在各級機關。有入學優先利益。

雜 俎

● 詩

贈某軍官

巾不紅黃亂揭竿。潢池赤子盜兵端。將軍且喜從天降。壯士何妨作壁觀。北斗以南惟有狄。大河之曲共驚韓。飲勳策至憑誰紀。碑勒燕然次第看。

舌 存

詠 懷

陳去病

王子去求仙。國相并學道。辟穀事赤松。吹笙入瑤島。古來卿相豪。渺不逐幽討。而况秦漢王。努力祈不老。而况周天子。八駿謁神媪。塵世多羶腥。習見動煩惱。肥甘豈獨饜。狂瀾奈奔倒。濁世誰與謀。去覓商山皓。奇服與危冠。翩翾集羽葆。庶幾偉術神。一洗中原獠。詎知王者師。得力在弘抱。圮橋一卷書。區區烏足寶。不然張子房。史曷紀枯槁。懿歟宣聖桴。不載安期棗。

海上憶昔篇

于右任

金鼓征東可有時。年來抱恨復何之。鬻骸夜月三良廟。禾黍秋風后稷祠。老子愁中消日月。中原夢裏見旌旗。關西子弟多豪傑。莫忘當年是義師。

玉皇閣

宮廷璋

傍城一閣勢離塵。香篆雲煙物外飄。冬日遲遲愛成季。邊風颯颯憶嫖姚。名臣圖像今安在。上帝靈威古最昭。自是神權多作用。誰開閭闔倚層霄。

詞

憶江南

葉葉瘦

思往事。髻髻在心頭。眉畫月鈎嫌筆健。紗籠雲髻晚粧休。都是別離愁。
其二

歌

鄉夢醒。枕角淚留痕。窗外鷄聲連報宵。床前燈火暗銷魂。依舊別離人。

程善之

譯蒙古軍歌

拔都西征播以人俄迄。哥薩無不知有誦之者。

後仿此

可汗如太陽。高高坐東方。威德之所被。燬為天下光。部屬如草木。小醜如冰霜。草木日以長。冰霜自消亡。太陽有出沒。可汗壽無疆。

(未完)

格言

因循二字。誤盡了一生。(古諺)

真能愛國。方算是好男兒。(西諺)

●雜錄

禽獸世界

尹血兒

(21)慈愛之鶴

史載隋煬帝時營顯仁宮。(宮在洛陽)南接皂澗北跨洛濱。盡發大江以南五嶺以北奇材異石輸之洛陽。又求海內嘉禾異草珍禽奇獸以實園苑。自長安至江都。吸引穀洛汴河江淮諸水。各相通爲水道。廣四十步。傍築御道。種以柳樹。沿途所置離宮。多至四十餘所。又在江南定造龍舟及雜船數萬艘。役丁死者十之四五。所司以車粉載死丁。東至成臯。北至河陽。相望於道。不忍目觀。且有不及埋葬而已臭者。上雖微有所聞。亦不知悔。此皆元年三月事也。五月又築西苑。周二百里。其內爲海。又爲方丈蓬萊瀛洲諸山。高十餘丈。周十餘里。臺觀宮殿。羅絡山上。海北有龍鱗渠。沿渠作十六院。門皆臨渠。每院以一四品夫人主之。堂殿樓觀。窮極華麗。宮樹秋冬彫落。則剪綵以爲花。或以葉綴於枝條。色渝則易之以新者。故能常如陽春。沼內亦剪綵爲芰荷菱芡。乘輿臨幸。則去歲而布之。各院競以殺羞精麗相尚。求市恩寵。上好以月夜遊。每遊必令宮女數千隨侍而出。曾在西苑自作清夜遊曲。令各宮女於馬上齊奏之。自古以來。荒淫無度。窮奢極華。未有勝於帝者。亦我國歷史上之一大污點也。八月帝如江都。發顯仁宮。出洛口。御龍舟。每舟四重。高四十五尺。長二百尺。上重有正殿。內殿。朝堂等。中二重有房百二十間。皆飾以金玉沉檀。以處美女妃嬪。下重內侍處之。皇后蕭氏乘翔舟。制度差小。三重。別有浮景九艘。輓船美女九千餘人。名曰殿脚女。皆各衣以錦繡之綵。艷冶奪目。餘數千艘。後宮諸王公主百官僧尼道士蕃客。分乘之。輓船之士。多至八萬餘人。舳艫相接。二百餘里。照耀川陸。如同白晝。有騎兵作侍衛。

皆沿兩岸而行。旌旗蔽野。如臨大敵。所過州縣。五百里內。皆令獻食。無一倖免。多者一州。甚者百舉。極盡水陸珍奇之妙。後宮厭飫。將發之際。悉棄埋之。不以爲惜。二年二月。又作輿衛儀服。課州縣送羽毛。民求捕之。殆無遺類。鳥程有高樹。踰百尺。上有鶴巢。民欲取之。不可。乃伐其根。老鶴恐殺其子。自拔鬣毛而投諸地。以求免害其子。而帝乃反以爲祥瑞。不亦忍哉。（綱鑑及歷代史）

尹血兒曰。阿摩爲帝。不過一十九年。卽遭亡國之慘。考彼一生。草菅人命。不惜物力。敗壞倫常。殘害忠良。一切罪大惡極之處。皆由事事抱一我見。以故利己之心。油然而生。玩視天下。遂成萬世之罪人矣。嗚呼。世有如楊帝者。當亦知所警戒否耶。（格言）鶴能守信。故爲候鳥。猶太

（22）忠心之馬

晉王克用攻王鎔於鎮州。以十餘騎渡滹沱。遇大雨。平地水深數尺。鎮人襲之。克用匿林中。禱其馬曰。吾世有太原者。馬不嘶。馬偶不嘶。以免。（五代史）

尹血兒曰。克用之馬。可謂忠矣。試問彼若乘其危而害之。則李氏之王業。既不克成。而存勗之繼立。亦將成幻影矣。嗚呼。今之軍閥。對於此馬。當作何感想耶。（格言）馬之義氣。不在人下。亞拉伯

（未完）

叢談

●西北風俗譚

嘯岩

在昔專制時代。君主雖如何暴虐。尙具刑律以治民。我蒙古則無刑律。無法令。無審判廳。無檢察廳。民刑訴訟。純以王公意思爲判斷。王公意思。卽爲我蒙民全部法典。賄賂公開。富者可以賄免。貧者必罹慘刑。不辨是非。不諒枉屈。拂己意者。卽殺之。觸忌諱者卽戮之。……甚至有截舌斷唇。抉目剝皮等慘刑。草菅人命。等於兒戲。使我蒙民。日斃鍊於刀鋸鼎鑊之下。不測生死。痛何可言。對於賦稅。尤無紀律。有用則稅。不足則課。王公遇有事故。對於我民。應納大差等費。肆行徭徭。遇有婚喪。對於紅白各費。恣意苛斂。故王公有一事一故一婚一喪。則一賦一徵。卽我民一昏一死。吮我人民膏血。敲我人民骨髓。以供一人奢用。是王公暴虐優於桀紂。蒙民慘苦酷於亡秦。此蒙古王公制度之無法律者二。

在昔專制時代。君主雖如何藐法。尙稱人民曰人民。蒙古王公則稱人民曰奴才。一王府中。役使奴才無慮千百。一公第中。役使奴才亦無慮千百。皆挑自我民間之青年幼女充之。指揮驅使。恣意所爲。畢生不嫁不娶。爲王公作牛馬以終身。昔美洲奴隸制度。買用時尙需一磅美金。蒙古王公使用人民。則不用一文。不費一錢。父不敢私其子。夫不敢私其妻。兄不敢私其弟。統號曰王公奴才。人謂黑奴制度。慘無人道。我人民荼苦如此。何以爲人。此蒙古王公制度之毫無人格者三。

夫漢滿蒙回藏五族共和之自由平等旗幟底下。而有此蜷伏於水深火熱境域之蒙古同胞。想讀者對此。不能不洒同情之淚。奮起救援也。

(未完)

●中國北方人數學述

(續)

廷璋

外貝喀爾省亦爲一高地。卽威提程河(Nizim R.)爲勒拿河一支流)之高原。海拔過三千尺。分三流域。一葉尼塞河(Yenesi R.)流域。二勒拿河流域。三黑龍江流域。西以貝喀爾湖爲界。東以史耳卡河(Shilka R. 卽黑龍江隨該地土人而異名)流域爲界。

阿穆爾省境內山則有外興安嶺(Yablono m.)水則有黑龍江支流。

上述北區各地。除黑龍江流域外。天氣動物植物大抵相同。夏季甚短而寒。六月一日至八月一日爲植物發育期。冬季酷冷而長。故其地全年冰凍。雖夏不溶。地質學家謂已具乾冰期(dry glacial period)之特性。山上綠樹青苔爲馴鹿最佳食品。坑谷卑濕。夏時亦有人不能到處。此種情形獨宜於野獸。故黑貂、栗鼠、大野貓、熊(三種)、鹿、麋、馴鹿、野山羊、及他種動物皆甚多。土人獵之以爲食。滿洲尤推嫩江東多虎豹。

此地居民爲通古斯人。有五種方言。卽通古斯語、阿羅藏斯語(Orochons)滿列格斯語(maneghira)俾拉斯語(Bira)及俄羅斯語。

在山林中人口不過四千至五千。通古斯人之普通職業爲畋獵。其次爲漁。馴鹿供運輸之用。凶荒時卽用爲食。黑龍江岸與滿洲蒙古之通古斯人無馴鹿則用馬。彼等皆父系制。無家宅。遷徙無定居。

此地俄人漢人蒙人滿人散處大河流域。頗能勤儉。探金獵獸耕種畜牧皆其職業。惟農較少。以與他處人民較。則甚貧。而人數不過數萬。

數百年前。蒙古人首來此地。後十七世紀俄人滿人亦來。漢人乃最後移居者。約在上世紀後半期。

(第二區在北區之南。括中亞細亞大草原之東境。成一角形。其頂點接近滿洲嫩江松花江合流處。滿洲高原及威提穆高原之支脈縱橫其內。葉尼塞河及黑龍江貫流其中。西部爲蒙古高原。海拔過二千尺。天氣乾燥而寒。幾無樹木。而牛馬駱駝之牧場則甚富腴。

此區南有蒙古人。北有蒙古化之通古斯人。如烏羅格及阿克蘇地方 (Aksu) 在外貝喀爾之通古斯人。與蒙古西伯利亞邊界之通古斯人皆是。毗連滿洲則達呼爾人索倫人 (一通古斯族) 占此高原之東境。俄人占膏壤以業農。賤視畋獵畜牧等事。漢人移殖方始。爲數甚少。多以商獵爲業。亦有耕稼者。

此地東部在大興安嶺之東。比西部低而宜於農。滿人居此。漸爲漢人排去。蓋漢人以農業移殖。甚有成效也。俄人僅沿鐵路而居。無深根據地。

(3) 第三區爲奉天 (瀋陽) 及吉林一部。直隸山東亦在內。此區可再分北部直隸山東三部言之。

第一區之南境。離中東鐵路不遠。故此區北與第一區相接。南界北直隸海峽。東界鴨綠江。或云界吉林省山地。更爲精確。西界蒙古高原之東境。此地以肥沃著。自古爲業農者所居。山林頗盛。大水有松花江嫩江鴨綠江。氣候亦頗溫和。故宜於開墾。

直隸雖隣近寒之蒙古高原。然最適于農業。較南滿洲爲優。

(未完)